



白齋先生詩集卷之二

六言絕句

四明張琦君

玉峯朱欽正之編次批點

山陽夜泊

海氣朝晴暮雨客行身西夢東
暝落楚帆天上寒鳴淮犬雲中

包侍御輓詩夾

東川遊龍不返南國愁胡夜鳴
小堂星光耿壁為君再續長生

東園詩夾

春醉枕常側左曉掃身必背陰謝公聞召欲起
泄柳閉門太深

山呼一雙分籠縣之聲相應清和作六言

二絕

端是南禽北語能調新曲翻聲煙淨風稀別院
僧過茶熟初晴羲黃上情思

分籠喉舌聲遠相睨雄雌意長死去化身尚羽
願為金殿鴛鴦

初秋夕

人。哦。東。閣。西。閣。風。掃。青。雲。白。雲。虫。語。正。當。月。令。
星流斜度天文

敬思亭

百字后山亭記千年林子同懷闔戶如聞歎息
風鳴虫響秋堦

白齋先生詩集卷之二

白齋先生詩集卷之二

五言律詩

四明張琦君玉著

林批

好處多

五峯朱欽編次批點

送汪公鼎夫入為大理少卿

頗僻戒毫髮通權亦據經
邠鬢入鏡白阮眼對
人青地位高卿月風煙避法星
悠悠于定國千載赴

明庭

朱仲德金陵別意卷子

新安佳孫子長揖陌塵中書記江湖闊詩聯士
友同馬鳴雙樹綠花帶幾州紅離思何曾惡春
山行未窮

平翁傳爲石仲殷賦

不妄平翁傳古人生在今傳剛三百字事繁一
生心耄眼山中讀餘年澤畔吟太人休易洩漳
水睡方深

雲津書院

爲績溪教諭劉君題

精舍龍州水雲津弟子堂古人隨化去撓棟入

烟荒軌物從前好精神感後長中和憂絕統寤
寐拜宮墻

送鄭侍郎致政歸閩中

懇疏連章上衰年一舸遙鄉閭還畫錦野渡自
春潮

聖主崇謙道諸生憶教條某山沙竹裏指點舊漁
樵

舟中贈姚生虞卿

裘帽羨青年從親下日邊緇塵暗河縣畫燭送

樓船火試聊城箭文彈宓氏絃鳴讓更良德鵬
鷄待秋天

溫州衛署新成賀劉揮使二首

舊貫堪仍否萊蕪入癘垣取材通日域作礎借
雲根白日無兵事青山立將門不須論經費坐
使海邦尊

尋度乘時起功成委地餘虬貅怖威重燕雀樂
高虛盡節因山壯重門望海迂將軍休置屏旅
月讀兵書

寄包民望

時民望按陝

越水三春別秦州月幾圓檄書呼萬里經略坐
踰年健馬重歸道高冠日近天獨憐秋寺雨夜
到枕屏前

揚光祿致政歸鄉

平生付公論履道有神明世感朝雲滅歸心春
水生走沙迎故吏啼樹感殘鶯試問餘年事江
湖無限情

輓黃流先生

發策不如志舞雞空夜長交能到詞苑道已重
君鄉山木斷陽德浦珠收夜光決明堂下發風
雨爲誰黃

寄余潤之

直以遭時拙而深筆研功思君秋海白坐我夜
樓紅暗葉驚堦起清砧與夢通壯遊心未已龍
劍得其雄

賀楊吏部母壽七十

毋道於斯備人間百不如性嚴申國教意到施

滂書善慶天無假鮮甘日有餘吾儕仰慈軌再
拜日升初

邢子用山居之作

青嶂挿天隅堂幽美事俱谷聲隨屨近山腹繞
門紆草發春先驗溪奔意不趨大觀齊物我不
是學楊朱

贈封君劉侍御

堂慶方酣暇春山花事隆坐收作室利不負種
槐功自覺蒼龍老人看白豸雄歸心戀梧竹舊

宅小湖東

求已堂

濃墨書求已堂開竹柏陰乞墦矜世耻正鵠對
吾心孔氏雲何薄袁公雪正深爲身尋喫緊非
是惡黃金

壽余子積父

大塊寄行窩詩篇日勘磨身隨伯玉老子較禹
鈞多桃竹過眉紫山花壓髮皤海天非急景不
借魯陽戈

寄倫太史

狀元天上客瀛海是仙居春院行多竹秋堂坐
有書星河燿綉腹天露湛華裾莫問江南事黃
花瘦不如

送章生

歷覽南朝勝鍾山虎踞豪風花江店晚雲月野
船高萍梗因風聚漁樵或路遭詩囊今重幾更
爲一揮毫

寄李誠之

淮南君尚卧吾亦到江東細札聞中備新詩別
後工晚懷江竹雨秋髮渚蓮風莫負黃雞月山
床一醉同

寄揚吏部

耳熟南州譽身逢

北斗邊不辭頻下拜所恨別經年會要周官裏
文章漢氏前相思步高閣新鴈滿淮川

秋日飲佛國寺用夏德樹韻

碧殿紺園西微風吹蒺藜安禪閉深戶驚鶻墮

危栖雲爲青山在蟲過白露啼重遊有無得十
指豈能齊

住

送柴君還鄉

官舍勞重過青驃入郭寒雲江搖画棟霜蕨載
雕盤古道人情朴窮冬別思難臨風懷贈答何
以得琅玕

寄徐東隱

我性耽迂僻公今亦憚煩地偏如隔壤溪曲愈
深村桑扈春前枕蠅螋雨後門更求人境外山

水謝公墩

輓孟郎中時元父

京洛塵方浣晉陽名義聞弟兄王太保鄉里范
希文陰德高門地天光汰隴雲平生難盡紀格
筆悵斜曛

柳待御父母雙輓

淒淒三十載滿紙事堪憐有死雖常物同歸不
偶然羨墻心獨苦椿竹影還傳賴有雲山夢秋
深足枕邊

雪隱題顧郎中卷子

芒履去無痕何人割曉昏只疑吾夢寐別在一
乾坤五石深缸酒千峰獨版門退藏猶未密花
發暗香村

送董太守之楚雄

賢哉二千石出守兩三城有
帝聞卿久無人說政橫楚舟依夢發黔樹入雲平
坐見神功下兵熙民亦耕

地官員外郎張廷紀風木圖

批 婆娑句悽愴

木以靜爲性風來不自寧寒聲撼虛屋病葉落
高冥寂歷終天事婆娑別後形回圖不盡意猶
在夢中青

輓白尚書

精白不負姓炳丹匡

聖朝一麾呼草竊累疏拂

雲霄寶帶無前盛深松直後凋不勝仰高淚風
雨晉陵潮

書杭東鄉扇

白璧名方重黃金用未舒欲將南去舸收拾北
遊書碧草莎雞候青山豈羨初家童得來信長
簪掃烟墟

京師送沈署丞還宜興

別酒不成酣停杯放劇談雖依星斗近終道水
雲堪野漲通朝扈春山結早蚕故鄉無限興非
是戀江南

水崖卷子

對面高崖立盤回石幾層近天多得雪帶雨或

成水縞夜疑遊鹿明溪雜亂藤時將山脚水浙
米飯鄰僧

山居即事

高齋獨眠起雲午坐來虛林近憎啼鳥溪清見
伏魚生涯謀道熟箕踞揖人踈多少耽山癖年
來覺漸除

喜雨賀寧郡守二首

牧守憂時切民災只咎予天心非槁木生意及
枯魚雲氣橫深浦鳩聲動遠墟還期秋有獲誰

謂負蓄畬

旱魃爲時厲江山太莽然檄書催電母零祭感
龍淵漢獄清冤婦周詩誦大田靜聞忙庶裏萬
口使君賢

送茹貢士還京

北土來應遠南州語未便鄉心搖絳蠟別思拂
朱絃海色孤舟路春聲百鳥天還期烟市酒同
醉鳳城邊

贈向中羨父壽六十

振履幽人道釣遊東海邊九重來
聖典六十過遠年鶴頂明文砌梅華拂翠絃終南
堪祝嘏移置越南船

輓陳尚書

老作三朝宿曾陪八座雄江山俄慘慘麟鳳去
夢夢聞道死何恨生人心未窮紆朱有承者端
見直方功

送林居魯之雲南少叅

古格聞之舊風神欠一叅官高總益口書富也

成擔花萼春當暮江流客共南于藩風雪務外華
月正開函

遺安堂

整足危機外遺安是壯圖我於聲利薄人教子
孫愚白壁貽秦禍明珠咲賈胡研屏三四座所
幸不塵蕪

陳復清輓詩

批 末一句感慨深

湖海聞高譽風神若見之化從觀物後清似在
山時曉鼓沉河樹秋塵生硯池淒涼携鹿路來

者復爲誰

皇初平化石圖爲顧華玉父祝壽

常物皆形禪神仙以化名誰知幽石理不是野
羊精碧草千年洞金華幾月行君家不出戶稽
首拜長生

月亭

明月生東海亭開興較長樹虛通夜色雲薄漏
秋光野博聞人語山書見字行所嫌猿與鶴啼
白半堦霜

石亭

我愛崆峒下幽亭傍石宜晝簷溪影動秋榻蘚
花移聽竹留僧久看山得句遲悄然天境裏那
有世人知

題蔡氏鳴盛友于卷

只聽鄉評是無煩信史尋田真三子志石建百
年心叔世淳風在高堂善氣深何須見鳴盛價
已重南金

輓劉郎中克柔母

鳳纈空遺影魚軒不返轅芝蘭作物化枯菴或
入存苦教傷拋剪清容憶闕門麒麟泣而語野
色慘爲昏

喬汝修真節卷

幼志真成老生年即逝年鉛華羞獨好松栢與
同天范傳呼兒語崔門道母賢善徵今可準雛
鳳五雲邊

石峯

莫道愛廉隅天然氣骨殊不雲秋共瘦得月夜

非孤此脚曾登否當頭有礙無百年吾隱几爲
汝欠詩逋

梅雪詩卷

格筆評梅雪那能上下論只疑不夜國猶有暗
香村天地搏肌骨神仙接夢魂敢隨蜂與蝶容
易到梁園

輓太守王公如行父

穀梁百氏外夙見素王心仕學如公少江山與
夢深神龍今失杖孝鳥負依林紙筆難題處灘

聲下夕陰

輓周天兆

識面江湖上相期霄漢間遊鯤方迅迅乘馬忽
斑斑大夢君應短浮生世未閒秀靈消不盡惆
悵會稽山

武岡山送田太守景瞻

未盡青青色迎君入楚州雲霞催淑氣花鳥謾
深愁五馬春鞍重千峯曉帳幽何當屬詩卷摹
擬寄同游

輓徐心齋

江水夢來急飛花不返魂醉鄉王績酒飯顆杜
陵村格筆橫詞賦飄衣別里門故人多少淚雲
月寄黃昏

徐希曾母七十

苦節有亨道霜松晚翠參人情羨康壽天意在
多男皓髮珠纓重黃花綵袖酣未須論未暮佳
氣滿終南

輓邵天衢

北曹明法象東海見經營四尺金腰重千年玉
斗傾伏波期馬革士雅負鷄聲萬點麒麟淚風
花落與爭

爲余君題保竹卷

豈不護枝葉滋培重本根乾坤應有意入竹兩
多孫饒腹空千畝清陰蓋一門興來不問主脚
眼到君園

七月八日偕諸友集吳仁甫宅

東城沙草合觸暑到林亭野水侵園白秋天入

座青百年同世界八客聚星萍吾有王郎興酣
歌要汝聽

黃翁壽日

竹祖垂垂老而翁或共庚夜書燈下眼春杖陌
頭聲綺里輕歸漢龐公未入城孺田三百斗爲
酒宴長生

送王朝器致仕還閩

劉向身今老疏公志未迂甲科三戌後勞伐兩
朝餘海物懷鮮錯川流送小車對門彭澤宰高

興近何如

送張尚書

秀靈儲粵上模範出關中義分明霜皎文光北
斗崇一身完白壁萬里附冥鴻送別情何極雲
山道已東

自貞卷子

貞節自家事茲言是確論未亡扶弱息終老樹
衰門豈爲芳名激焉知薄俗敦南谿有剛石抱
柱土床根

輓華侍御母

生榮娛白髮仙化重淒淒已謝蘋繁事猶聞昧
旦雞賢名著陶孟慈化及青齊遊子心如繳瞻
雲洒涕淚

送嚴思聖還松溪

卒業賢關久徘徊棘署深開籠見秋月策馬出
寒林手拂行時劔床虛別後琴三山望無極浪
指白雲岑

送薛世成之官湘潭

薊北三行酒湖南萬里官平分天上月獨照馬
前寒野水搖宮柳遺民話晚蘭楚鄉今大熟禾
黍及征鞍

風木慈烏圖

白日無光彩狂風吹北林弱枝持不定病葉落
難禁古道臯魚淚終天季路心啼烏吻欲血寒
雨夜堂深

百年庭下樹翠葉滿芳柯短日方堪愛飄風獨
柰何祖魂棲碧落亂影下青河不用烏傷感衰

麻淚已多

輓葉司訓父

人世去千載泉臺歸幾重青山埋病骨落月夢
仙容屋老來新燕田蕪刺晚松誰將寄涕淚風
雨。水。西。鍾。

楊謙大尹迎其父至尋復返田侍御爲求
詩以贈之

祿養方濃處斑衣取製寬離愁俄脫襜喜色賴
能官西鄙天連驛東山月在鞍期將清慎字萬

里報平安

輓王先生夫婦

寂寞雞鳴候。淒涼失鳳啣。青山餘一畝。皓壁待
雙埋。弛鐸閉春廡。倚機空夜齋。膝前子與淚。渾
欲淺江涯。

送李上舍

文廟栢枝東。辭歸道亦通。弦歌將夢寐。志氣拂
崆峒。馬齒嶺頭樹。衣飄江外風。老子雙眼碧。和
月送飛鴻。

慕萱卷子

批 首聯說透

白髮今已矣。黃花似昨非。何曾悅草木。直是戀
春暉。的歷明文砌。蒼茫隔素帏。風吹墮堦淚。不
與露同晞。

具慶題方監生卷子

鑿鑿身同健。摩挲眼對青。九臯鳴兩鶴。一屋聚
雙星。翠珮人喧座。青雲子在庭。尚猶尋遠計。長
日御稀苓。

許君春山圖卷子

山客春長醉日高呼乃醒抱沙溪鳥白飼葉野
蚕青小雨癡晴石閒雲幕晝亭黜聰今久矣誰
且詰忘形

山居圖

水墨幅負裏真成前后村溪流早似抑雲勢猛
思吞突濕烟催飯衣陳日送暄朝當迓新客春
到翟公門

採芝

採芝綠林下草木映山衣路觸雲煙去羣隨麋

鹿歸鶴膏叅夜煮茶餅共朝晞歲覺身輕舉行
將歷翠微

送駱經幕

別思隨春色人行花亦紅

帝庭趨斗北鄉里過山東天道崇居抑雲司論有
功嚶嚶鳥聲裏萬里鴈毛風

榮壽爲林太守

高深獻川嶽完氣至人當子祿將身貴
皇慈鑄景長金泥天作字玉醖海成漿花木隨冠

履扶春入畫堂

送戴天錫

淡濕衰麻客江霏滯不晴人心勝潮汐天氣入
清明草次沙頭飯蒼茫水面程楚吳雖接壤雲
木不勝情

飲陳氏竹林刻詩竹上批妙

竹瘦立詩骨苔圓獻酒錢水光搖地面天影到
書前老景無千歲殘題又十年舊曾刻詩稚兒如解
意伴我筍根眠

劉公去思祠祠在永嘉

未詰甘棠事仁功收幾春千年同一揆三代即
斯民溫海本無極生祠定有神棟隆非舊貫碧
瓦麗青旻

奉和見素先生山寺漫語韻二首

曉逕紆雲閣涼燈犯露麻山僧不茹肉溪鯉自
吹沙舊事鍾聲歇新題墨數斜行窩半蕪波風
日寄禪家

弟子叅玄散掃雲師正勞衣冠來不偶手額見

加高野鹿轉金藏煙駕啼翠泉菜齋聊速客莫
問酒中整

五老圖

鬚髮亦蒼古溪風吹性靈衆人皆霧雨五老一
天星鳥散雲還在人醜山自青吾將從此去結
納寄餘齡

題松陰書舍卷子

昔人白鹿洞之子青松陰千金收萬卷獨鶴晚
孤琴飛土無交接容光必照臨時來稽舊籍巷

入鄴侯深

菜虫圖

朱門通翠園野意頗芳菲土菜何青白春虫亦
走飛誰家桃李盛此地綺羅稀合會東園老茹
芝言是非

謝蔡省掾

風郭秋晴日新寒正搗衣鴈南人欲北山瘦葉
初稀世路新知好乾坤昨事非菊深還有酒鳥
道不如歸

謝游省掾

日高堂影淺長揖紫薇東
泐忍率微祿從容覲
上公李生愁丈髮阮子借雙瞳
無所瑯玕得清
詩寄古風

白齋先生詩集卷之二

白齋先生詩集卷之三

七言絕句

四明張琦君玉著

林批 多非當時入語

玉峯朱欽編次批點

京邸元夕

風伯清塵一點無
百枝燈火映珊瑚
柳南華月連光起
并作

君王照乘珠

壯遊

天涯雲月動飛旌
劍逐龍駒出戶騰
二十二條

時務說馬生何處拜昭陵

棘寺夜直

細藤幽莖交垂戶雲片河光欲墮堦今夜直
王粲筆與虫相對寫秋懷

竹鄉卷子

林批

絕似社

太行山高楊子深一分平地直千金便須種竹
三百箇中起詩樓卧晚陰

書得

萬殊擾擾問玄幾古有瞿曇是我師去掃松花

作供養水窮雲起併筐遺

煎茄

絕無滋味假油煎漸愧三公七筯邊到得何曾
無肉食雨厨烟屋始論錢

屈平圖

熊繹曾孫不競秋逐臣飛葉雨隨流不知漁艇
寬多少好載先生出楚州

太乙圖

海水近天三四尺仙人入道幾千年東華欲去

無舟楫乞得山頭玉井蓮

半開卷子

日出今朝事又生強於忙處寄風情
柳花落地春多少也與兒童攘臂爭

石田畫幽人

無事山中怯睡魔起來江上踏寒莎
月從十五秋光滿今夜梧桐影又多

朱君扇景

鉄撥鴟絃滿耳鳴嶧陽夜上壁塵生古情
一片

新麗來聽風聲與水聲

王思謙山水畫

思謙蜀人

日出千峰市尚陰舊聞西蜀畫山林使君更寫
江南景要與峨眉闔淺深

融軒卷子

倉庚高鳴蚓不結上下天光闔水光正好兒男
親織作綠蒲門外過人長

沈石田畫鷄

蜀鷄爛絲鳳威儀天下何人尚守雌幾度欲啼

還不發函。閱恐有誤。鳴時。

書蘭亭記後

批

說倒

高竹深溪春事幽。文章千古說風流。我今猶恨當時筆。欠寫新亭一段愁。

琴士圖

林批

快人意

風聲水聲十指閒。天地龜絃在此間。留我一條
携鶴路。格開黃葉問深山。

何孝子廬墓

野哭躑躅天爲悲。墳草方春綠未滋。才信神明

通蠢動。虎泥三匝小茆茨。

齋居遇雪二絕。呈諸君子。

累日不飲可柰何。齋堂燒竹乞春和。詩肩凍聳
猶宜雪坐卜今年。酒米多。

高榻仰聽知是雪。虛寮斜見只疑星。一場枉事
難分豁。白占山。梳半畝庭。

舒嘯草堂

杜陵新樣草堂低。堂下江春碧蔣齊。歌躡有懷
誰我識。一鶯相對主人啼。

江神

公塗海水一般情未可安然掉臂行十日江神
無鴨賽惡風吹浪入山城

六月二十八日陸行至彭城病暑改從舟
口占一絕

妄以千金重此生出門無帶一身輕南風不動
江流靜綠樹扁舟煮藥行

早發滁州

一雨人家水滿田情農夫婦日高眠山行有客

騎羸馬已過黃鸝深樹邊

秋日途中見有栽秧者因傷之

度支次第較租庸手握青秧才草同我願君心
化明燭道傍人是甯夷中

江浦經定山故宅

門前山影帽簷斜巷口風光落午花猶喜兒孫
解儒服百年誰笑不成家

送別圖

江門送客意慘慘帶雨入城披此圖君去我留

渾不定百年名利一馳驅

墓樹

批

感愴

作花莫作墳前樹三日清明便化泥猶道春來
愁尚淺黃昏添上子規啼

草玄亭

談玄亭子壓秋沙樹影津流次第斜八十一篇
真草草至今故紙滿人家

射黃羊

黃羊歲老欲成精血汚將軍箭鏃腥莫把菟苗

當小事明年持此破先零

輓楊進士父

仙骨誰能王子晉詩名留得謝玄暉舊時雲母
當前路月出烟蕪人未歸

題高登之樂魚卷

形器求魚不是真綠濠春動水津津午風雙目
神光靜射見南華第二人

王侍御出身圖二首

綠楊瑣外千條弱紫殿雲頭半脊晴春色百回

今較異玉驄騎在落花行
日出東華鳥語繁東風寒淺絳羅溫不知堯殿
深多少閶闔沉沉見

至尊

陸學士家藏史中丞墨竹

城中寸土易千金種竹家家不滿陰學士堂前
地尤貴只從緗素寫秋林

聽潮樓

白日高眠海岸東潮聲長滿竹樓中憑誰借取

黃州筆細寫新涼六月風

畫鷺

聞鷄聞鴨不勝爭春淺江深聊一鳴所恨蔡州
城下事千年錯道混軍聲

雨晴

電滅雲頭雨亦殘蠅蚊不到水心寬日來學得
清江引要乞明皇小阮彈

南坡卷子爲戴君題

前身蘇子是人豪夜鶴秋江野嘯高莫道兩坡

相去遠好風三日到臨臯

題蔡同父送別卷後

行處梅花清淺水別時楊柳短長條群公醉墨
猶嫌少更乞山人續小謠

淵明圖

劉公虎步方疑主陶令鴻飛遠避人親手種松
今老大晚風落日伴孤臣

庵中

流水門前日日過堂中人坐老維摩午背風草

吹蘭蕙春壁兩藤行薜蘿

一真

已隨抱朴子同歸漸覺雕龍世事非打坐溪邊
照真影年來啖菜也豐肥

船上犬

百錢買得到商船舊主山村路渺然見慣北人
渾不吠月明江上背風眠

見鱗子

直下簾端放一絲神明教爾報佳期不知今日

深閨裏曾念天涯卜喜時

惱鴉

侵曉烏鴉作陣喧近從樓閣遠於村年來慣苦
招饒舌便合高眠不出門

合和驛南望彌望皆白土

當時戰血有餘腥白土經年草不青留得遺民
幾家在夕陽村裏掘芙蓉

閩鰕

長鬚似戟鬪清尖小雨新涼露晚兼直到月明

纔有影一雙飛上水晶簾

題無音卷

纔見春城歸荷篠便將諸念定中消雲簾撲地
深如海不放鶯聲破窸窣

彭城懷古

沙塲人去鳥成群南北原頭此路分莫問蒯通
爭鹿事大風吹散霸王雲

書龍氏歸墨卷

醉墨當年數十行野亭春思不勝長寶函龍迹

今俄返指點兒孫拜草堂

寒鴉

寒鴉作伍誰家樹雪意蕭蕭到晚濃
莫向隋園重回首垂楊遮斷景陽鍾

題画

絕巘猶堪安古寺閒雲定不著忙人
胡僧一隻西來脚冢嶺山頭正出神
鷲地高濤鷲地消路於截處有飛橋
只今萬事須公等未可山中引手招

江頭有客去不去終日春風吹酒旗
獨板橋西吳子國數錢猶記買船時

送陳舉人會試

山月開門樹影青曉風涼動一河星
席珍瑣碎應非寶鐵網珊瑚下北溟

竹下居士

魏石如屏藏夏寒古苔清淨利盤桓
探囊尚有金鉤子添置青山種竹看

畫竹

子瞻詩瘦家無肉與可風流筆有神何處先生
得遺紙每教風雨惱西鄰

畫景

滿船灘籟灞陵雨隔水蛙聲杜曲田造物與人
留晚計百年山水故依然

鈎勒竹

雖無大嚼飽公卿終是西山餓骨清昨日黑甜
秋影下小風吹得醉鬚橫

題萱爲吳約中

萱花歲月重於金白髮長來不自禁今日見花
須下拜幾家春草到秋深

扇景

家住寒江東復東茹山飲水百年中還憂舟楫
成虛木來向江頭候好風

陳司徒與弟對床圖

夜合燈花相映紅尚書兄弟一樽同雨風蘇鬢
渾相似白者長公班次公

廳事後觀雨

批 只山谷說得出

胃強食飯偶一盆雨勢入屋不閉門手肱曲闌
眼力正水面已沒芙蓉根

將禱雨壺山前一日作

飛雲卓日互陰晴細霖高簷未雨聲准備祭雲
三十里壺山聞有水龍精

喜雨贈劉孝子

赤土三丈裂厚坤虹霓望眼達朝昏龍神下感
邦君膝雨勢來從孝子門

出城觀田水

昨夜雨聲鳴萬濤壑中低怒樹中高省方太守
朝開眼牛膝如飛白水洑

李侍御南巡返往新亭庵候之偶成二絕

昇僧

只說長安是路衝綠林碧巷亦迎逢山僧來詰
寰中事麥飯新茶聽午鍾

戶外楊花帶佛香東風上下作微狂使君除却
勞勞想來與禪心較短長

東坡畫風竹

東坡妙墨入神功喜怒愁歡畫竹中富貴玉堂
貧手段醉來長掃伯夷風

東坡畫雪竹

窮山深雪四五尺老竹橫斜三兩枝草木豈無
強項令有頭不肯向人卑

觀察使劉公養心卷子

奉身調度淡雲如人謂不足吾有餘老大猶行
弟子拜筓峯香火受軻書

筓峯劉公號

終慕卷子

大塊茫茫未了情穎人何但感君羨公家種樹
三千丈天不為風亦有聲

春野齋題郁君卷

春風隨人出東城貴客曳踵不肯行有人短褐
無羈管腳踏飛花聽鳥聲

魏塘郵亭偶書

秋米纍纍斗十錢醉顰飽腹似堯天依山小戶
無禾黍春蔗成漿也有年

金秀才毋輓詩卷

神挾飛鸞直上昇空聞鄰媪說賢能西風無數
燈前雨吹作殘縑一片水

郡齋述懷五首

繁梅晴日盡屏前薄餅新菘錯進筵糲飯龐公
野人性騎牛只記隴頭天

三公堂下迹如掃五柳門中屢欲縣道在寧湏
論飢飽扁舟捧腹過前川

蟬御天風離垢骸雀爭虫黍落堂階物情人事
渾相近起照清池明素懷

冬行春令暗雷驚歲兆來年卜未明慚愧吾民
急征賦督郵猶自詰稽程

半生喫緊百家中直欠工夫著帝衷帽屋蕭蕭
向遲晚消憂來坐竹根風

試士廳事下丹荔方熟偶讀山谷詩賦得
四首

山谷老人作者師涪州謫後語尤奇雨中二美
真傾蓋手握陳編喫荔枝

諸賢今日我當師拙眼年來卻鑒奇擇士正如

收荔子指攀紅重兩三枝
郡庭種樹無場師四曲闌干圍秀竒人意巧如
猿盜果南風相戒出墻枝
酒量慳來謝飲師詩魔降下黠新竒只堪一味
東歸夢雨緝楊梅勝荔枝

秋景圖

林批 真

雨洗青天風掃塵秋來山水瘦於人誰家鷺鶴
鳴雙槳直過江南採白蘋

一老

批 老意健手

瘦來湖石似吾形墮髮茶煙白亂青靜洗篠堂
支膝坐傍人稱是老人星

一松

林批 冷語

不隨桃李墮蕪萊五百年長亦壯哉聞道未央
興土木寒流石上有人來

田中

携鶴到田逢小霽借涼於竹渡深溪歸來筆格
生微雨露濕山書正面題

輓沈檢院父

人生共惜秋蜩短白髮歸天夢亦安寂寞不須
傷後事緝茅紅甲一園蘭

畫竹

垞北花開空自繁郊南竹好也成村對君高節
今如許坐大兒孫不出門

畫梅

扁舟沿月下西湖月裏梅花見一株半夜舟中
呼紙筆起來搨得暗香圖

題楊伯升扇

憐君脚底江山闊愧我閒中枕簟忙纔舉一觴
仍不醉晚潮來處又鳴榔

徐汝容郎中三友圖

交到忘形若飲醇胡爲直諫又多聞一方坐席
香還影未許華歆割半分

椿萱並茂圖

不老千尋倚天樹忘憂一朵照入花樹邊花底
無閒地無數春蘭發緝茅

聽松圖

山深誤入龜茲國松響如遊廣樂庭不是前身
是弘景百年誰坐石頭聽

童舉人自太學歸壽其父母九十歲

丹山雙鳳影婆娑對舞乾坤歲月多千里佳雛
新至止上堂無柰菊花何

壽節婦陳生祖母錢氏

鏡破當時髮尚青便將黃蘗等參苓半生坐對
堂前竹細補秋衣眼似星

奉和董僉憲遊大理寺

先生詩骨瘦於秋孤鶴高雲作偶遊白髮一莖
梳墮地江湖還有未忘愁

送張文達之任亳州

斜日江頭雨未晞雨花亂點使君衣譙城人報
明朝喜百萬蝗蟲出境飛

悼亡

雙影若生冠服貴百年何處瑟琴齊寢門落盡
曾參淚明滅寒燈到曙鷄

羊頭車

嘍咿聲裏欲斜暉南客初聞淚滿衣京洛風塵
三百丈年年載得幾車歸

舟至高郵

故園初解木蘭舟漸覺長河水倒流楊柳亂鴉
寒色裏西行一月到高郵

嚴惟中思教堂

積埃空自委陳編夫子歸魂逐逝川昨日風堦
秋葉響伯魚猶似過庭年

過淮河

朔風鳴鼓下寒川西指淮流即是天十萬人家
揚柳樹半開青眼望新年

直河

白草寒烟沒燒痕鷓鴣飛處有柴門直河莫道
無閑束一曲江流抱幾村

聞鵲

博勞啼惡烏鳶恠此烏千聲不是頻鳩鵲觀前
三丈日隔烟驚起曉粧人

列子御風圖

凡骨輕來已絕塵宸遊汗漫踏風輪長空萬里
重回首要把東華教後人

夢萱爲建平李秀才賦

橫風暴雨掃堦來不見慈萱見綠苔最有一花
凋不得百年長向夢中開

張家灣書事

細柳沙村繫短篷亂流斜日滿江中
關文不向州官討酌酒青天乞順風

出京

南出神京盡海村飛雲走葉正紛紛
還期一月歸鄉里改換衣袍拜墓門

舟中

歲晚舟中見物稀紅霞碧水與斜暉
鴛鴦隔浦誇人立看我天涯獨自歸

過淺

安得溫犀照水行水中應是設機兵
剛過一淺猶三日出路人言莫筭程

李福送酒舟中

三日舟中罷舉杯寂寥那得好懷開李郎渾有
平生識隔水般勤送酒來

望雲祝壽

雲容客思兩微茫何處天涯父母鄉我願化雲
成五采爛拖春色上高堂

一鶴

孤標不與群爭食清唳曾無子和之聊把青谿
上天骨桐花陰裏寄多時

牡丹孔雀圖

孔雀東飛到洛陽百家烟日賞花王隔簾更有
關心物拂羽鳴鳩已在桑

送包民益

平波曉日放船好紅鯽銀鱸作饌肥八十慈顏
相顧喜江南烟火望中歸

送汪文盛歸四明

集霽江頭陰復晴水鄉風力送歸程鍾陵千載
南朝寺少却雲峯半月行

四皓

林批

道不得語

風裏飛花未帖然。靜中碁子動機權。在山泉水
青。天色流出人間不似前。

漁父

瀟地江湖堪著夢。何王門下一褰衣。半歌笠子
遮雙耳。西塞山前逆雨歸。

米芾拜石圖

頑石無靈不點頭。米公拜石爾何求。雨花風絮
飄零盡。珠重烟光一丈秋。

竹圖

千挺風篁刺水寒。巴童罷唱雨初乾。蒼梧以北
圖中恨。盡屋斜陽據枕看。

魚畫

斷港楊花落作萍。遊魚水面唼花行。新抽獨蘆
絲多少。將下吳門釣晚晴。

送徐甥

聞說明朝別我行。聽蛙燈裏坐三更。老懷定與
東風約。相送江帆過石城。

夏惟和扇景

晚風吹散石湖烟，秋眼如星可盡天。
獨櫓小舟人未到，水光先動硯屏前。

雪舟圖

凍雨積強三尺雪，夜風吹滿一更潮。
歸時不減來時興，銀燭滄江醉未消。

質菴卷

東鄰花發開筵篴，皓齒清歌緩夜愁。
手握素藤閒院立，嬾開醉眼說風流。

寄慶子

吾兒才高須凜枯官樣，文章不在竒人道。
筭高能過母叮嚀，護養鳳凰枝。

寄德真

能爲絺繡作天花，月貌冰襟亦可誇。
寄語要添恭順德，日從汝母訓生涯。

寄遇子

頑從庭下狎虫魚，靜向窓前學弄書。
楊寶聰明劉晏美，一般秋月映芙蕖。

送仁和邵舉人

戊辰會元

雲際扁舟等一鳧送君梅雨出玄湖相逢霹靂
人須避袖裏文章八陣圖

趙惟盛望雲卷子

親在西山葬夕陽百年魂氣隴雲長愁來獨上
溪樓倚絮擘青天一斷腸

醉題王汝瞻家白頭海棠圖

蒙恩堂上燭光紅雙手披圖似夢中花鳥滿枝
者不倦爛磨醉墨寫春風

宋徽宗畫藕

根本枯來不著土花如雲錦亦何爲蘭舟遠去
無消息剩得江南藕一枝

趙子昂畫舫

野水津涯未可尋南湖不似北湖深青蓮幕子
長松蓋併送斜陽一路陰

瓜鼠

食瓜食實勿傷根生意微微復尔存一鼠作災
猶小耗人間草竊正紛紛

暑夜

海氣黃昏毒我腸
月從深竹放清光
竹中有地寬
多少枕席當來求夜涼

雪月

雪片停飛雲漏天
月光到地舞嬋娟
此時若載西湖鶴
好與林逋共一舟

王如行乞改南曹

挂笏金門憶寢闈
乞移南署傍春暉
太行山外天多少
自此孤雲帖不飛

送嚴惟中

當日高吟白鴈天
寒流萬里雨燈船
別來楊柳青今幾
相對鍾山說往年

送吳仁甫

北渚佳人相見稀
西窓音信報將歸
遠雲不阻隨君興
鴻鴈江南一字飛

竹林圖

疏眉短髮開生面
君是嵇公我是劉
竹外斜陽高幾許
讓它胡馬飲春流

雪景圖

閒將憂喜閑時物一色乾坤決皆閒欲倩東風
詰勝六幾時還我水南山

春山獨坐圖

雨過山腹作春晴千尺飛泉落碎瓊野老忘機
吾不信一方白石與雲爭

次楊侍郎韻題貝生扇面

即從毫素寫秋林紫翠浮空作小陰只欠西齋
添箇我白翁原有白雲心

三笑圖

惠遠在山僧世界東林雲木白猿啼當時不著
陶彭澤千載何人說虎溪

小景

昨夜江波浸竹門只疑雷雨在前村高風忽報
野晴好準備湖舡送酒尊

漁屋

浪聞湖海可逍遙總有謀生便市朝親見衙官
打漁戶扁舟何處避征徭

畫鷹

雲天千仞仰鸞凰
爾獨來歸海樹涼
只恐中原彌狐兔
秋風終是望鷹揚

畫竹

只疑風雨打簷鳴
無數新涼滿地晴
人道中書君已老
醉來還健寫秋聲

栢椿圖

椿栢婆娑共一堂
接枝交葉倚天光
張公兄弟頭如雪
樹下時來序鴈行

畫菊

摩挲醉眼看秋容
目錦文綃一萬重
猶恨天孫虧一段
楚江分做木芙蓉

濠梁驛書事

批

情感狀得出

鷄鳴潮白此沙邊
斜日山光忽濫州
回坐壁間閒論量
半生長是逆風船

病起言志

草野歸心日夜謀
青鞋布襪上扁舟
蓼花東岸人西浦
相對芙蓉各點頭

南寺遊

手攀石棧上青天。惠遠前身定有緣。斜日光中
三丈石。大書深刻記來年。

郡中休暇一探玄。萬事關心未了然。行上高臺
試明目。吾民何處少炊煙。

月峯山意何太古。百柝千松挾雙廡。歸時巷犬
無警聲。長竹篝燈送明府。

芙蓉千樹列如麻。色相空中亦種花。猶剩溪聲
樓下水。明年留我煮春茶。

夏太常畫竹爲嚴太守賦

汀烟嶼竹向微茫。高日薰成翡翠光。夏子前身
文與可。起乘殘醉寫瀟湘。

二月二日

江上輕雲覆戶低。杏花開好未黏泥。伯勞猶更
嫌春淺。背坐東風不肯啼。

有懷

南枝驚鵲北枝飛。碧海青天有夢歸。人在畫樓
方獨坐。蒲身明月白雲衣。

寄秋水何先生

白楓船外釣磯前。鷗碧鳧青水似天。高興浩然
遶不住。小樓一夜夢秋烟。

雲莊何君山水畫

批

只如此人便說不到

門裏芙蓉浪裏沙。用川風色似君家。只將畫墨
當官府。年納秋雲一百車。

贈康鵬

何堪一別動經年。不在梨園在賈船。今夜唱歌
無越調。江南人怕鷓鴣天。

悼孫允廉二首

批

直恁高古

萬里蒼天尺五墳。天不收子地容君。西風數陣
南飛鴈似學文章寫暮雲。

秋月雙眉雪色容。去年照我草堂中。今宵我照
思君燭。雲白天高哭露蟲。

海雲

老蛤吹寒氣不收。蕩磨天影落滄洲。若教化帛
三千幅。寫盡蓬壺九箇秋。

雲隨倦鳥早飛還。心性長宜海上山。月白梨花
金帳晚。畧無春夢落人間。

何太守山水畫何公澄嘗守袁州

竹鶴老人天下稀
筆端雲物寫心機
黃茆海磧孤舟雨
猶是袁州解印歸

怨雪

只堪江上點漁簑
獨客天邊柰爾何
燈焰不明窓影白
半床山罽夜寒多
天落瓊花飛太虛
慵睡去蒲前除吾
今不讀孫康傳
四十無成懶看書

陳一擄假山

日來不好真山水
城裏假山三丈青
明歲落花紅滿地
不開春院寫金經

韓幹畫馬子昂臨

解甲歸來肉已肥
舉頭猶動北征思
玉關閑矣呼韓老
未許將軍孟浪騎

蠟嘴

棟花時節亂春聲
曾在西河立馬聽
今日山中滋味薄
半林紅子啄冬青

感練子

春風還未到山池綠竹紅梅見一枝飛鳥下來
天欲雪滿身寒色似求雌

青菜

批 道理是

東鄰殺牛犒徒役西家養老菜不足何公箸
肉糜空只有南園菜根綠

春日曲

批 似李

高枕傷春睡未蘇半醒殘夢遶珊瑚鳥無聲處
妨人見花欲低時要我扶

送許習之

黃山閣外竹鷄啼舴舺風前白浪齊今夜勸君
多酌酒陽關只在燭光西

山水圖

百年總得此山川山有樓臺水有船今日登臨
秋色好香爐峰下白雲天

古亭

批 末二句感唐

寒潮風退磯頭白高樹紅欺葉上青飄瓦敗簷
秋影老路人題作斷腸亭

雪樵

天寒白屋竈烟遲兒女燈前夜不嬉十日賣薪
三日飯雪中誰訴縣官知

晚次太湖口二首

批

後首句法常應物道得到

湖邊長路白如蛇湖上青山亂似鴉楊柳曲塘
燈火起不知舟楫到漁家

落日扁舟似夢中江南人在五湖東靜聽沙客
行相語明日開帆有好風

大川清之侍坐予夜深恐其室人待之久
也作詩戲之

雲母廊前月欲低蛾眉還坐畫屏西銀河水潤
人歸晚敲斷金釵到曙鷄

泊西水驛

西水驛前三泖白宣公祠下一燈青欲將歸夢
隨飛鴈月落沙寒不過汀

陳省軒勿怠卷子

司空舊有胼胝苦刺史曾無運甓功不識嵇康
何似者青春吹老竹林風

食張琨家瓜

厨人切瓜如切金。瑤盤奉出涼陰陰。槐葉冷淘不足敵。啜此便有羲皇心。

題清之一水卷

天一初分先見水。牛涔滄海本同看。子今頗識堯夫意。來向溪頭學弄丸。

觀妓戲東徐東之

燭含鳳嘴照清歡。一朵芙蓉四面看。今夜獨輸徐孺子。公然將入玉闌干。

長山雨中答陳主人

平地黃流亂入溪。短簷飛鳥落鷄栖。東君問我山中意。一寸青燈照爛泥。

秋江曲

秋江美人芙蓉衣。日出採菱晡未歸。一道清歌渡口起。鷓鴣鷓鴣衝人飛。

鶴山

批精

鶴繞青山何潔白。青山近鶴轉分明。不知鶴外山多少。亂數芙蓉不記名。

贈丹徒郭大尹

曳履升堂每晏然綠琴在御鶴初眠
交齊一片廳南月照見先生第幾絃
自古河陽一縣花而今開到郭侯家
春風樹樹多成實給與侯民當熟麻

憶山

鶴沙舊路春江上暮雨泥橋綠樹間
加我廿年閒脚版直須行遍水東山

送毛文璧

批 爽致

暑中過我飛白汗忙裏因君洗竹堂
對酒借閒

宜入夜紫蘭風外月鉤涼

畫薔薇

白髮看花已不當猛將詩句闢紅粧
玉妃昨夜親低首要乞先生一段香

過建灘二首

批 格意恁高

當年開設事難憑水裏乾坤又一層
莫是女媧安不固補天墮石亂稜稜
此去前途八百灘舵公雖微倚爲安
鯨牙蛟背藍濤上張膽猶歌行路難

十月三日早發溪上皆白雲漫話二首
每指白雲天上國未經身到作閒疑朝來舟楫
微茫裏身在雲中自不知
人間遙度本非真只道雲中別有神親棹孤舟
來不覺白鳧黃鴨病夫身

羅隱廟

灘上羅族尚衆

紅葉灘頭一聚村人家羅姓隱之孫人間著作
曾多少水日金光滿殿門

書所見

深苔洗水鳧頭碧枯木掛厓虎吐
白數戶居人
幽谷中亦有夫布來相迫

書子陵祠壁

紛紛封拜烏合旅諫議難拘天下士帝王豈真
念布衣故人只有雲山是

魚畫

身是神龍伏氣機十年江海借魚衣也知形色
非天性一夜風雷踏浪飛

歸田雜興一首

子隨郎罷孫追翁高帽巡簷揚柳風門前泥深
犢蹄白船面日出魚尾紅

呼風船

北船絕脉牽百丈倏忽南船一鳥過猶自呼風
作鷹吻人心不平當奈何

雪夜齋居聞朝用謳詩西舍

寒宵有警風敲戶凍鼓無聲雪滿堂便欲乘舟
下溪去詩家只在竹西房

雖不往興亦不減

金陵送徐甥

汝舅衰遲何足似賢甥六翮要凌虛我今雙履
牢裝齒秋月江窓讀報書

韓信遺金漂母圖

麗日黃金映水光柴荆老婦不相當漢家姐醢
諸侯外只有王孫報姬長

癸酉八月送楊朝宗還鄉

客不嗜飲吾居胜舊酒深樽闕綠苔秋入別筵
開醉眼瀟江鴻雁却飛回

暑夜

大火黃昏流竹中竹高千丈不含風
婉兒却曉秋來處移放銀牀梧葉東

松月圖

批 欲無聲息

膝當木几耳當松夜色新生秋海東
千古今宵有聲月道人。不坐寂寥中。

雲杏圖

倚雲高杏騁丹朱草木早看又一區
近日東風狂子性莫吹深澗仰萊蕪

再過子陵祠二首

漁竿不重手難持來者何人往者誰
獨有西山孤竹廟與公前殿博毫釐
水拂庭堦風裊旌今來三過拜先生
魚龍臺下都無欲不食針鉤出戲晴

代武子陵往復詩

光武往

逆氣王郎正沸騰南陽一劍起相乘
桐江也是誰歸物何故高臺喚不應

子陵復

文叔當年同讀書別來天地不相如陶唐亦有
遺民住未信巢由買地居

光武又往

一燭炎炎滅又然高皇政俗要相沿先生自爲
真非薄無那孤風隘我天

子陵又復

六十衰殘不爲身拾遺小事少精神立賢只似
高宗得師相新人非故人

意到

林井庵輓詩夾

公楮葉排秋旻寄筆東風悲踣麟我帚并西
懷獨喜天留不盡與來人

寓車盤驛

蕩竹山前後樂堂古松陰下燭光長忙中紙筆
無多地起掃秋雲趁晚涼

田家春

綠楊微雨散雛鴉田犬逢人吠落花借問秦餘
元不是葛天皇氏舊民家

虛所

無中覓有神。常在實處求。虛物不存一。氣清明。
夜如晝。木舟乘月。我敲門。

環翠樓爲石仲殷

萬峯環翠翠於苔。中踊高樓八面開。倚柱有人
詠長句。謫仙天上打圍來。

珉石窓竹房

翠煙樓閣紫瓊垣。儀衛森森道益尊。我欲乘鸞
來說法。月涼何處夜開門。

題周生畫

沙禽玄白亂差參。雲影山光共一潭。應恐功名
改人性。天留好景戀江南。

溪家

紫絮茅花飛入門。淺溪幽響出籬根。當家老婦
無他事。落日呼歸白鼻豚。

書葉東墅少府壽萱夾

人在黃堂花亦黃。花開十丈滿靈光。老夫近有
長生筆。來與雲門進樂章。

春山曲

城中美人不識山春日登樓雲霧間疑道天孫
怨離別低橫眉黛不開顏

用陳圖南回首青山入夢頻之句書懷一
字一首

女牛曉散天河淡塵海年勞白髮催鋤起瓜田
三十畝乘風江上掉頭回

客氣堂堂非固有豕豚蛙怒真算斗姑婦迭變
須臾時劇戲臨風一搔首

點水蜻蜓不自寧豈知鴻鵠志高冥塵中鬢鬢

抄先白雨外雲山落晚青

撚髮平臨水鏡間夕陽青靄半簪慳欲歸心事

渾兼夢已遶吾廬檻外山

陳嬰驟王常岌岌帝著無官亦自粒昨夢不論
今方是飛鳥隨僧碧山入

衰年六十真何用五斗詩腰日覺重猛嘗洗足
君子堂葉底羲皇作清夢

萬事勞形百不親買花沽酒了餘春我今雲在
雲爲客來到山中掃石頻

送周侍御之京

歌聲裂石上秋雲草意川容亦送君
細刷街頭桓典馬長安人識舊毛文

感遇

青山花外旖旎日秋水溪邊寂歷僧
眼勘百年天地裏閑來此處幾人曾

送屠安卿侍御

霜天落月催清曙水郭寒流送畫船
收拾數條桑土說好風吹上

晁旒邊

題西坡卷

學士東坡侍講回帶將寵意出蓬萊
金蓮花炬膏油氣不似西坡嗅野梅

